



**PEKELILING PENTADBIRAN
BILANGAN 2 TAHUN 2013**

**REKA BENTUK BENDERA BAHARU
UNIVERSITI TEKNIKAL MALAYSIA MELAKA
(UTeM)**

Pejabat Pendaftar
16 Januari 2013

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 3 (2)

16 JANUARI 2013

PEKELILING PENTADBIRAN BIL. 2/2013

REKA BENTUK BENDERA BAHARU UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada pengetahuan semua staf dan pelajar Universiti Teknikal Malaysia Melaka (UTeM) mengenai reka bentuk bendera baharu Universiti Teknikal Malaysia Melaka (UTeM).

2.0 LATAR BELAKANG

2.1 Pemakaian Logo UTeM telah diluluskan dan digunakan secara rasmi semenjak Februari 2007 seiring dengan penjenamaan semula Kolej Universiti Teknikal Malaysia Melaka (KUTKM) kepada Universiti Teknikal Malaysia Melaka (UTeM).

2.2 Selaras dengan hasrat Universiti untuk memperkasakan lagi nama UTeM sebagai Universiti Teknikal yang kreatif dan inovatif, pihak Universiti memperkenalkan logo baharu yang berkonsepkan penataan akronim yang menyerlahkan nama UTeM. Imej baharu ini amat penting dan relevan dengan peredaran masa kerana penggunaan akronim ini akan memudahkan masyarakat untuk mengenai UTeM dengan lebih cepat menerusi visual.

2.3 Sejajar dengan penjenamaan semula logo UTeM tersebut, pihak Universiti telah bersetuju untuk menukar reka bentuk bendera yang baharu melalui kelulusan Mesyuarat Majlis Eksekutif Universiti yang telah bersidang pada 18 Disember 2012 lalu.

3.0 PEMAKAIAN BENDERA BAHARU UTeM

3.1 Bendera mempunyai berbagai-bagai ukuran bergantung kepada tujuan kegunaannya dan di mana ia hendak dikibarkan. Saiz standard atau saiz biasa bagi bendera adalah 6 kaki panjang X 3 kaki lebar.

3.2 Bendera baharu UTeM yang akan dikuatkuasakan dan digunakan secara rasmi adalah seperti berikut:



- i. **Warna biru** pada logo dikaitkan dengan alam iaitu langit dan air yang menggambarkan sifat mesra alam, mesra masyarakat dan harmonis. Warna biru menonjolkan sifat korporat yang kukuh dan stabil. Dari aspek psikologi, biru dikaitkan dengan keamanan dan ketenangan. Biru juga dianggap warna diraja yang melambangkan status yang tinggi.
- ii. **Warna platinum** melambangkan teknologi pada alaf baru yang bernilai dan berkualiti serta ia juga melambangkan ciri daya tahan, daya saing dan maju. Warna ini juga merupakan warna neutral yang melambangkan realiti pengajaran dan pembelajaran yang berteraskan industri.
- iii. Warna putih melambangkan keluruhan, kemurnian, keikhlasan dan mercu kejayaan.

Sumber rasmi bagi mendapatkan *soft copy* bendera baharu ini boleh diperolehi melalui capaian di menu **INFO KORPORAT** pada portal rasmi Universiti seperti berikut :

[http : //www.utem.edu.my/web2012/download/bendera.pdf](http://www.utem.edu.my/web2012/download/bendera.pdf)

4.0 TARIKH KUAT KUASA

Pekeliling Pentadbiran ini berkuat kuasa mulai tarikh ia dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp